

# Ikajuttigedluta sanginiKatsiavugut.

## Ikajuttigedluta SanginiKatsiavugut

### PITJUTAUJUIT

#### TORNGAIT KAKKASUANGINNI SAGVATAUSIMAJUIT NUNAIT CANADAMI

Torngait KakKasuanginni Sagvatausimajuit Nunait Canadami takutsauvut taggâni Labradorimi ammalu ilautitsivut 10,000 km<sup>2</sup>-nik. Anginilet Saglimit siKinganunut, taggânidlipâmut nuvunganut Labradoriup, ammalu parâvinsingata killinganit Quebeciup kangianit, imanginnut Labradorimi Imanut kitânunut.

Kanuttosimalaugaluattilugit sakKititsigiamik sagvatausimajunik nunanik pigianninginni 1970-ni, kisiani akuniulittuk 1992-mi pigiasigunnaniadlutik Kaujisagiamik. 1996-mi, Kaujisannik pijageniadluni sagvatausimajuit nunait Torngait KakKasuanginni pijaugunnasiniadluni.

Sagvatausimajuit nunait paitsiniakKut nunanik ilingajunik Ukiuttatumi nunatsuangani, puttujunik KakKasualet, takuminattut kangidlungitl, kongit akinnani ammalu manettuit satjugiammi nunangit – nunatsuak angiggagijaunginnatuk Inunnut atâtatsiakunginnulu tausindigiallatâni jârini. Takuminattut Nachavak kangidlungit, Kanitanganejuk sagvatausimajumi nunami, sikuliat nunami katagaKattajut Torngait kakKasuanginnit puttunippaudlutik KakKait nuvungit nunatsuami kitâni Taggâni Americaup, tatsaKadlutik mikijunik sikulianik.

Sagvatausimajuit nunait, sivullipausimajut sakKititaugiamik Labradorimi – angiggagijaujuk unuttunut omajunut. IlauKatautillugit mikinitsait Torngait KakKasuanginni tuktuut, ammalu ilangit kangidlualutjuap tuktungit, ununnippât nunatsuami. Nanuit tamânenginnavut, ammalu tataminattunik adlanut iniummijuk. Amaguit tigigannialu inigijanga, unudlatunillu tingmianik Kinnuajonik nattugalinnilu.

Iluani sagvatausimajuit, hontagiallatât itsasuanitait nunait, tupipvet, ujaigait tuktuilu sauningit avaluvinet, Kimatullivet iluvellu, unikkautausot inuit ilikkusituKangillu, piluattumik Inuit, tamatsuminga pimmagiutitsijuk Canadami angiggagigamiuk jârighiallatânut.

Una sagvatausimajuk nunak atuttausok, pulâgiajunik  
pivitsaKattisiKattaniattuk Kaujisagamik Ukiuttatumi nunanginnik  
avatinginnilu. Pulâgiajuit pivallianingit nunatsuami sungiutisaKattaniattut  
pisugannikut, majugannikut KakKani ammalu Kajagiattigut. Tukisimallugit  
sagvatausimajuit nunanginni pivianattuit, piluattumik inuit taimanganit  
inigisimajanga, KanuttogijauKattaniattut pulâgiajunut.